

Script Of Evening Gojri News Bulletin 26 March 2024 at 1700 Hrs

ایوٹننگ گو جری نیو ز بلیٹن مو رخہ 26 ما رچ 2024

<><><><>

یوہ آکا شوانی جموں بے محمد اکرم چودھری تے نصرت بانوتیں خبر سُنو۔ پہلاں خاص خاص خبر۔

<><><><>

- 1★ - چناؤ کمیشن نے سی ویجِل ایپ غے ذریعے چناوی کا روٹیاں ور نیڑمی نظر رکھی وی ہے۔
- 2★ - گرمی غی لہر غے مد نظر چناؤ کمیشن نے تمام ریاستاں تے مرکز غے زیر انتظام علاقان غا اعلیٰ چناؤ افسراں واسطے ایڈوائزری جا ری کی ہے۔
- 3★ - خارجی امور با رے وزیر ڈاکٹر ایس جے شنکر نے کہیو ہے جے بھارت فلپین غی اس غا قومی اقتدار نانہ بحال رکھن مانہ مدد کرے گو۔
- 4★ - تے اقوام متحدہ خواتین اجلاس ور بھارت نے عالمی مساوات خاطر اقدامات نانہ اگے بدھان مانہ عوامی تے نجی شعباں غی اہمیت ور لو کہلی۔

<><><><>

خبراں غی تفصیل نال پہلاں نصرت بانو۔

EC- C Vigil APP

چناؤ کمیشن سی ویجِل ایپ غے ذریعے انتخابی عمل غو قریب قریب تیں جائزو لے رہیو ہے۔ یاہ ماڈل ضابطہ اخلاق غی خلاف ورزیاں نانہ ریکارڈ کرن، رپورٹ کرن تے حل کرن واسطے اک واحد ایپ ہے۔ اس ایپ غے ذریعے ماڈل ضابطہ اخلاق غی خلاف ورزیاں تیں متعلق آن لائن شکایت، تصویر، ویڈیو وغیرہ لی جا سکیں۔ شہری اس ایپ غے ذریعے مثالی ضابطہ اخلاق غی خلاف ورزی غی اطلاع دے سکیں۔ چیف الیکشن کمشنر راجیو کمار نے کہیو ہے کہ سی ویجِل شہریاں نانہ اختیار دے کہ وے ضابطہ اخلاق غی خلاف ورزی غی اطلاع دیں تے 100 منٹ غے اندر کا روٹی کرن غو یقین دوائے۔ سی ویجِل چلان مانہ اک آسان اپلیکشن ہے۔ جہیڑی چوکس شہریاں

نانہ ڈیسٹریکٹ کنٹرول روم، ریٹرننگ افسر تے فلائنگ سکاڈ ٹیم نال جوڑے۔ جسرا بی سی ویجیل ایپ ور شکایت ٹوری جائے گی اُس شکایت نانہ اک منفرد آئی ڈی موصول وے گی جس غے ذریعے لوک اپنا موبائیل ور شکایت ٹریک کر سکیں گا۔

<><><><>

EC Advisory

چناؤ کمیشن نے گرمی غی لہر غے پیش نظر تمام ریاستاں تے مرکزی زیر انتظام علاقاں گا چیف الیکٹورل افسراں نانہ ایڈوائزری جاری کی ہے۔ بھارت غا محکمہ موسمیات نے آئندہ موسم گرما غے دوران معمول تیں زیادہ درجہ حرارت گا امکان غو اشارو دتو ہے۔ جھیڑی اس سال مارچ تیں جون غے دوران خاص طور ور گرمی غی طویل لہر مانہ تبدیل ہو سکے۔ کمیشن نے گرمی غی لہر غا اثرات نانہ کھٹ تیں کھٹ کرن گا حوالہ تیں نیشنل ڈیٹازیسٹر منیجمنٹ اتھارٹی نے کن چیزاں ور عمل کرنو تے کن چیزاں تیں احتیاط کرن غی کاپی سانجھی کی ہے۔ انہاں نے لوکاں نانہ مشورو دتو ہے جے وے دھوپ مانہ نکلن تیں گریز کریں خاص طور ور دوپہر 12 بجے تیں 3 بجے غے درمیان۔ انہاں نے کافی پانی پین تے باسی کھان غی اشیاء تیں پریز کرن واسطے کہیو ہے۔ کمیشن نے چیف الیکٹورل افسر تیں کہیو ہے کہ وے پولینگ سٹیشن ور پین غو پانی تے سایہ سمیت ضروری سہولیات نانہ یقینی بناویں۔

<><><><>

JK UT Profile

مرکزی زیر انتظام علاقاں جموں کشمیر مانہ کُل 5 پارلیمانی حلقہ تیں جن مانہ 2 جموں ڈویژن تے 3 کشمیر ڈویژن مانہ مانہ واقع تیں۔ جموں ڈویژن مانہ جموں پارلیمانی حلقہ تے اُدھم پور پارلیمانی حلقہ جن مانہ مرکزی زیر انتظام علاقاں 8 ضلع تیں، اُدھم پور پارلیمانی حلقو بھارت غو سب تیں ترقی یا فتنہ حلقو تے ات پچھلا 9 بہراں مانہ زبردست ترقی دیکھی ہے۔ یوہ حلقو 2 ہزار 230 سکیر کلو میٹر پہاڑی خطو ہے۔ یوہ خطو جموں ڈویژن گا 5 ضلعاں جن مانہ

کٹھوعہ، اُدھم پور، ڈوڈھ، کشتواڑ تے رام بن شامل ہیں۔ آکاشوانی جموں گا نامہ نگار نے اطلاع دتی ہے کہ اُدھم پور پارلیمانی حلقہ غی آبا دی 24 لکھ تیں زیادہ ہے۔ تے اس حلقہ مانہہ گل 16 لکھ 74 ہزار 277 ووٹر ہیں۔ ان مانہہ 8 لکھ 26 ہزار 218 مرد تے 8 لکھ 48 ہزار 59 کا لسری ہیں۔ اس حلقہ مانہہ اسمبلی غا 18 سیگ منٹ تے 2 ہزار 6 سو 37 پولینگ سٹیشن ہیں۔ ریٹرننگ افسر یا اسسٹنٹ ریٹرننگ افسر غا دفتر مانہہ اُمید واراں غی کا غذات نامزدگی جمع کران غی آخری تا ریخ 27 مارچ 2024 نانہہ 11 بجے تیں دوپہر 3 بجے تک وے گی۔ کاغذات نامزدگی غی جانچ پڑتال 28 مارچ دوپہر 1 بجے وے گی۔ اُمیدواراں غے کول 3 مارچ توڑی اپنی اُمید واری واپس لین غو اختیار ہے۔ البتہ بُن توڑی اُدھم پور لوک سبھا حلقہ تیں 6 اُمید وار اپنی نامزدگی غا کا غذات داخل کر چکا ہیں۔ جن مانہہ بھارتی جنتا پارٹی تیں ڈاکٹر جتندر سنگھ تے پریم ناتھ، بہوجن سماج پارٹی تیں امت کمار تے تلک راج تے سورن ویر سنگھ جرال آزاد اُمید وار تے ڈیموکریٹک پروگریسو آزاد پارٹی تیں شامل ہیں۔ اس حلقہ واسطے پولینگ 19 اپریل 2024 نانہہ سویرے 7 بجے تیں شام 6 بجے توڑی مقرر کیو گیو ہے۔

<><><><>

SVEEP Reasi

ضلع چنواؤ افسر ریاسی وشیش مہاجن غی بدائیت غے مطابق سویپ یعنی سسٹمیٹک ووٹر غی تعلیم تے انتخابی شرکت سیل نے منی سیکریٹریٹ ریاسی مانہہ جمہوری سیٹ اپ مانہہ ووٹ غی اہمیت ور مبنی اک جامع آگاہی پروگرام غو انعقاد کیو۔ اس تقریب مانہہ مختلف محکماں غا عملہ نے شرکت کی ہے تے ذمہ دار شہریاں نانہہ جانکاری فراہم کی گئی۔۔۔ بائیٹ۔۔۔

<><><><>

Saroori Nomination

ڈیموکریٹک پروگریسو آزاد پارٹی غا غلام محمد سروری نے اُدھم پور پارلیمانی حلقہ واسطے ریٹرننگ افسر ڈاکٹر راکیش منہاس غا دفتر مانہہ اپنا کاغذات نامزدگی

جمع کرایا ہیں۔ سابق وزیر اعلیٰ غلام نبی آزاد وی اُن غے ہمراہ تھا۔ کا غذات نامزدگی کرن توں بعد جی ایم سروری نے کہیو کہ ترقی غا ناں ور لڑن آلی مہاری پارٹی بے تے ماضی غی حکومت نے عوام غی ضرورت غے مطابق کم نہیں کیو۔ اُنہاں نے اس طرح کہیو۔۔۔ بائیٹ۔۔

<><><><>

DEO Poonch

آئندہ لوک سبھا چناؤ غے مد نظر ضلع چناؤ انتظامیہ نے کا روائی نانہ صاف و شفاف بنان نانہ یقینی بنایا جان خاطر فعال اقدام چایا ہیں۔ ضلع چناؤ انتظامیہ پونچھ نے بکھ بکھ خاص ٹیماں نانہ تشکیل دتو بے جس غو مقصد چناوی مہم غا بکھ بکھ پہلواں ور نظر رکھنو بے۔ ان ٹیماں مانہ فلائینگ سکاڈ ٹیم، اخراجات ٹیم تے نوڈل افسر غی تقرری با رے ٹیم چناوی کا روائی غا وقار نانہ بحال رکھن مانہ اہم ثابت ویں گی۔ اس سلسلہ مانہ آکا شوانی جموں نال گل کرتاں واں ضلع چناؤ افسر پونچھ یسین محمد چودھری نے اس طرح کہیو۔۔۔ بائیٹ۔۔

<><><><>

Jaishanker Philippines

وزیر خارجہ ڈاکٹر ایس جے شنکر نے کہیو بے کہ بھارت فلپین غی قومی خود مختاری نانہ برقرار رکھن مانہ اس غی حمایت کرے۔ یاہ گل اُنہاں نے اج مانیلہ مانہ اپنا فلپین بم منصب غے ہمراہ میڈیا نال گل کرتاں واں کہی۔ اُنہاں نے کہیو کہ بر ملک نانہ اپنی قومی خود مختاری نانہ برقرار رکھن تے نافذ کرن غو حق حاصل بے۔ یوہ بیان بحریہ جنوبی چین مانہ چین غے نال فلپین غا سمندری تنازعہ غے درمیان سامنے آيو۔ ڈاکٹر ایس جے شنکر نے زور کہلتاں واں کہیو کہ بھارت ”آسیان“ غی مرکزیت بم آہنگی تے اتحاد غی بھرپور حمایت کرے۔ وزیر خارجہ نے کہیو کہ یو این کلوس 1982 خاص طور ور سمندر غا آئین غا حوالہ تیں اہم بے۔ اُنہاں نے کہیو کہ تمام فریقین نانہ مکمل طور ور اس ور عمل کرنو چاہیے۔ ڈاکٹر ایس جے شنکر نے کہیو کہ بُن جسرا جسرا تعلقات اگے بدھیں گا، دفاع تے سلامتی

نانہ وی دیکھنو قدرتی گل ہے۔ وزیر خارجہ نے کہیو کہ بھارت تے فلپین غی دو طرفہ تجارت گذشتہ سال مانہ 3 بلین ڈالر پار کر چکی ہے۔

<><><><>

UN CSW

کالسرپاں غی صورتحال متعلق 68 واں سالانہ کمیشن مانہ بھارت صنفی مساوات اور خواتین نانہ با اختیار بنان ور اقوام متحدہ غا سب تیں بڑا سالانہ اجتماع مانہ بھارت نے عالمی مساوات غا اقدامات نانہ اگے بدھان مانہ عالمی اور نجی شعبہ غے درمیان باہمی تعاون غی کوششاں غی اہمیت ور زور پایو ہے۔ نیو یا رک مانہ 11 توں 22 مارچ درمیان منعقد ہون آلی اس تقریب مانہ اقوام متحدہ مانہ بھارت غا مستقل مشن نے کہیو ہے جے بھارت جھیڑو صنفی مساوات تے خواتین نانہ با اختیار بنان صف اول ور مہم چلا رہیو تھو۔ تقریب غو مرکز بنیو رہیو۔ سی ایس ڈبلیو 68 غو اس سال غو موضوع صنفی مساوات تے بچیاں تے خواتین نانہ با اختیار بنان خاطر کوششاں مانہ تیزی لیانو تھو۔ جس مانہ غریبی نال نمڑن تے صنفی نقطہ نظر نال سرمایہ کاری شامل رکھی گئی ہے۔ سماجی میڈیا ایکس ور اپنی اک پوسٹ مانہ یو این مانہ بھارت غا مستقل مشن نے کہیو جے نیو یا رک مانہ 68 واں سالانہ کمیشن مانہ بھارت غی اثر دار موجودگی رہی ہے۔ اس دوران روچیرہ کمبوج تے نیٹی آیوگ غا سابقہ سی ای او امیتابھ کانت نے با معنی تبدیلی نانہ بدھان ور کلیدی کردار غی شمولیت اور عالمی تعاون ور لو کھلی ہے۔

<><><><>

SL President DPI

سری لنکا غا صدر رانیل وکر سنگھے نے کہیو ہے جے آئندہ بہراں مانہ بھارت ترقی غا مرکز ور وے گو۔ تے یوہ سری لنکا غا حق مانہ وے گو کہ بھارت نے کامیابی واسطے ڈیجیٹل عوامی ڈھانچہ غا شعبہ مانہ جھیڑی کا رکردگی کی ہے اُس غی نقل کی جائے۔ وے اس با رہ مانہ اج کولمبو مانہ سری لنکا مانہ بھارت غا اعلیٰ کمیشن غی طرفوں ڈیجیٹل عوامی بنیادی ڈھانچہ ور منعقد کانفرنس مانہ بول

ربيا تھا۔ جناب وكرم سنگھے نے كہيو جے بھارت مانہہ گزشتہ سال اُن گا دورہ دوران اُن نے وزير اعظم نريندمودی نال اُن نے سری لنکا غی للکارتے موقعہ بارے گل بات کی تھی۔ انہاں نے مزید کہيو جے سری لنکا غی موجودہ صورتحال مطابق اُن غی سرکار نانہہ مدد غی ضرورت ہے تے اس واسطے ڈیجیٹل عوامی بنیا دی ڈھانچہ غا شعبہ مانہہ امداد واسطے بھارت ہی واحد جگہ ہے، جتوں مدد مل سکے۔

<><><><>

اس غے نال ہی خبراں غو یوہ بلیٹن ختم ہوؤ۔